

Posjeta Predsjedništvu BiH Angelina Jolie Ćeli promovisati BiH kao centar edukacije

21/08/2010 17:25 by Administrator

Zgrada Predsjedništva BiH danas je bila centar medijskog interesovanja jer je poznata holivudska glumica i ambasadorica dobre volje UNHCR-a Angelina Jolie tu održala odvojene sastanke sa predsjedavajućim Harisom Silajđićem i članom Predsjedništva BiH Ćeljkom Komćićem. Jolie je iskazala poseban interes za unaprijećenje održivog povratka u našoj zemlji, te je sa Silajđićem razgovarala o nabavci sušara, hladnjača, motokultivatora, platenika i druge opreme povratničkim porodicama. Govoreći o činjenici da je u proteklom ratu raseljen veliki broj stanovništva iz BiH, Jolie je izjavila:

"Iako se posljedice takve tragedije ne mogu otkloniti, imamo odgovornost da učinimo sve što je u našoj moći da umanjimo njihovu bol, tako što ćemo pomoći onima kojima je pomoć neophodna. Time doprinosimo prevazilaženju razlika i izgradnji bolje budućnosti za sve ljude u ovoj zemlji".

Jolie je spomenula i usvajanje revidirane Strategije za implementaciju Aneksa VII Dejtonskog mirovnog sporazuma, koja se bavi pitanjima raseljenih, i istaknula potrebu za njenom brзом realizacijom.

"Nadam se da će uskoro biti preduzeti konkretni koraci koji će umnogome poboljšati živote raseljenih ljudi. Politike vođene su postigle kompromis da bi došli do ovog trenutka. Sada je potrebna brza akcija", kazala je ona.

Silajđić i Jolie su se složili i da je edukacija prioritet za budućnost novih generacija Bosne i Hercegovine. Silajđić je iznio ideju da Sarajevo i Bosna i Hercegovina postanu edukacioni centar koji će privući hiljade studenata iz cijelog svijeta. Jolie je iskazala spremnost da se pridruži u promociji ove ideje i da putem zajedničkih prijatelja rade na realizaciji tog projekta.

Na kraju je Silajđić pozvao glumicu da u oktobru ove godine prisustvuje Međunarodnoj konferenciji o unaprijećenju dijaloga među kulturama, koja će se održati u Sarajevu u organizaciji Kuvajtske fondacije Al Batain, a pod Silajđićevim pokroviteljstvom.

U razgovoru sa članom Predsjedništva BiH Komćićem ambasadorica Jolie je govorila o aktivnostima koje namjerava provesti u BiH i tako pomoći raseljenima te ojačati ujedinjenje i obrazovanje.

Komćić je izrazio uvjerenje da će i kroz njene aktivnosti doći do realizacije konkretnih projekata. Na kraju, u vrlo ugodnoj atmosferi, razgovarali su o budućem projektu američke glumice - snimanju filma koji će se dijelom realizirati i u našoj zemlji, saopćeno je iz pres-slučbe Predsjedništva BiH.

Predstavnik UNHCR-a u BiH Naveed Hussain je istaknuo da je posjeta Angeline Jolie dio UNHCR-ove dugogodišnje posvećenosti okončanju raseljenja u Bosni i Hercegovini te da je uslijedila nakon drugih posjeta visokih dužnosnika, uključujući i njenu prethodnu posjetu te posjetu visokog komesara UN-a za izbjeglice Antonia Guterresa (Antonio Gutereš).

Jolie je izrazila svoju radost što je ponovno u BiH, kao i to da se unaprijed raduje skorom povratku u region i nastavku

BLUSRCU.BA - Stranica za sve banjalucane sirom svijeta!

<http://blusrcu.ba>

svoga rada tokom predstojećih mjeseci, saopćeno je iz UNHCR-a.

Izvor vijesti: Sarajevo-x